



Broj:09-20-11-2-669

Datum: 09.06.2021. godine

Na osnovu člana 43. a u vezi člana 45. stav. 2 Zakona o unutrašnjim poslovima Federacije Bosne i Hercegovina („Službene novine Federacije BiH“ broj:81/14), čl. 27. i 70. Zakona o javnim nabavkama („Službeni glasnik BiH“, broj:39/14), na prijedlog Komisije za provođenje postupka nabavke u skladu sa članom 8. Zakona o javnim nabavkama za 2021. godinu, zamjenik direktora Federalne uprave policije, d o s i:

ODLUKU

o poništenju postupka Javne nabavke „Nabavka vojnog materijala“ za LOT 7 Flash bang

I

Poništava se pregovarački postupak sa objavom obavještenja o nabavci za LOT 7 Flash bang, u predmetu nabavke: Nabavka vojnog materijala.

II

Na osnovu obavještenja o nabavci objavljenog u „Službenom glasniku BiH“, broj: 21/21 od 09.04.2021. godine proveden je pregovarački postupak sa objavom obavještenja o nabavci, u predmetu nabavke: nabavka vojnog materijala.

III

Ova odluka stupa na snagu danom donošenja, ista će biti objavljena na web stranici Federalne uprave policije.

Obrazloženje:

Komisija za provođenje postupka nabavke u skladu sa članom 8. Zakona o javnim nabavkama za 2021. godinu, imenovana Rješenjem zamjenika direktora Federalne uprave policije, broj: 09-19/1-30-2-206 od 18.03.2021. godine, postupila je shodno obavještenju o nabavci koji je objavljen u „Službenom glasniku BiH“, broj: 21/21 od 09.04.2021. godine, po osnovu čega je proveden pregovarački postupak nabavke u predmetu nabavke: nabavka vojnog materijala, podijeljena na lotove i to: LOT 1- metak 1, LOT 2 – metak 2, LOT 3 – metak 3, LOT 4 – metak 4, LOT 5 – metak 5, LOT 6 - metak 6 i LOT 7 - Flash bang. Procijenjena vrijednost za LOT 1 – 33.000,00 KM bez PDV-a, LOT 2- 64.000,00 KM bez PDV-a, LOT 3 – 15.900,00 KM bez PDV-a, LOT 4 – 7.650,00 KM bez PDV-a, LOT 5 – 1.400,00 KM bez PDV-a, LOT 6 – 1.600,00 KM bez PDV-a i LOT 7 - 4.655,13 KM bez PDV-a.

Komisija je u toku postupka nabavke zaprimila zahtjev za učešće u predmetnoj nabavci od ponuđača KM TRADE d.o.o. Visoko, Danial S d.o.o. Tešanj i SHOT d.o.o. Zenica. Komisija je dana 05.05.2021. godine uputila pozive kvalifikovanim ponuđačima za dostavljanje početnih ponuda u skladu sa navedenim rokom, a navedeni ponuđači KM TRADE d.o.o. Visoko i SHOT d.o.o. Zenica su dostavili svoje početne ponude. Komisija je uvidom u iste konstatovala da početna ponuda ponuđača KM TRADE d.o.o. Visoko za LOT 7 ima određenih nejasnoća i da će se iste razjasniti u toku pregovora, a da je ponuda ponuđača SHOT d.o.o. Zenica ocijenjena prihvatljivom što je konstatovano u Zapisniku broj: 09-20-11-2-669 od 17.05.2021. godine. Pregovori sa ponuđačima obavljani su dana 19.05.2021. godine, i tom prilikom je ponuđač KM TRADE d.o.o. Visoko dostavio svoje odgovore na postavljena pitanja. Ugovorni organ je na osnovu početnih ponuda i obavljenih pregovora konstatovao da ponuda ponuđača SHOT d.o.o. Zenica jedino u potpunosti ispunjava uslove propisane tenderskom dokumentacijom, a što je i konstatovano Zapisnikom nakon obavljenih pregovora broj: 09-20-11-2-669 od 24.05.2021. godine. Na osnovu svega navedenog poziv za konačnu ponudu za LOT 7 upućen je ponuđaču SHOT d.o.o. Zenica.

Komisija za provođenje postupka nabavke na sastanku održanom 03.06.2021. godine, prilikom analize konačnih ponuda, je konstatovala da jedina ponuda pristigla za LOT 7 u iznosu od 7.750,00 KM bez PDV-a a što je znatno iznad procijenjene vrijednosti za LOT 7 koji iznosi 4.655,13 KM bez PDV-a, a što je navedeno u Zapisniku broj: 09-20-11-2-669 od 03.06.2021. godine. U vezi s navedenim, Komisija daje prijedlog rukovodiocu organa da poništi LOT 7 predmetne nabavke, u skladu sa članom 69. stav 2. tačka e) Zakona o javnim nabavkama Bosne i Hercegovine („Službeni glasnik BiH“, broj: 39/14).

Iz navedenih razloga rješeno je kao u dispozitivu ove odluke.

PRAVNA POUKA

Protiv ove Odluke može se uputiti žalba u roku od 10 (deset) dana od dana prijema. Žalba se podnosi u pismenoj formi Uredu za razmatranje žalbi, a putem ugovornog /prvostepenog organa.

Prilog:

- Zapisnik o ocjeni konačne ponude broj: 09-20-11-2-669 od 03.06.2021. godine,

Dostaviti:

- Sektoru za mat-fin poslove
- Ponuđačima
- u spis


ZAMJENIK DIREKTORA
GENERALNI INSPEKTOR POLICIJE
Ensad Korman